

KENYATAAN MEDIA**PROGRAM CUCIAN JALAN TANPA DEBU BERSAMA SWM ENVIRONMENT DI
LORONG SENI SEREMBAN**

SEREMBAN, 8 JULAI 2025 – Sebagai menyokong usaha Perbadanan Pengurusan Sisa Pepejal dan Pembersihan Awam (SWCorp) dalam memperkukuh kebersihan dan nilai estetika kawasan pelancongan bandar, SWM Environment telah menjayakan program pembersihan di Lorong Seni, Seremban.

Program ini telah disempurnakan oleh YB Nicole Tan Lee Koon, Pengerusi Jawatankuasa Bertindak Pelancongan, Kesenian dan Kebudayaan Negeri Sembilan.

Menurut Pengurus Besar Korporat SWM Environment, Tn Hj. Mohd Norlisam bin Mohd Nordin, operasi pembersihan menyeluruh ini melibatkan empat (4) anggota operasi bersama sebuah (1) jentera *water jet* yang digerakkan khas bagi kerja-kerja cucian mendalam di lokasi berkenaan.

“Di Seremban, SWM Environment menjalankan kutipan sisa pepejal secara harian pada waktu malam, manakala cucian longkang dilakukan sebulan sekali mengikut jadual untuk memastikan tahap kebersihan kekal terkawal, terutama di kawasan tumpuan seperti Lorong Seni” katanya.

Lorong Seni adalah antara destinasi ikonik pelancongan kreatif di tengah bandar Seremban, telah dikenalpasti sebagai lokasi berimpak tinggi untuk pelaksanaan program ini. Aktiviti pembersihan turut melibatkan komuniti setempat, khususnya para peniaga dalam menjayakan program ini melalui penempatan tong sampah di hadapan premis setiap malam bagi memudahkan kerja-kerja kutipan sisa.

YB Nicole Tan memuji semangat kerjasama antara agensi dan komuniti setempat dalam menjada kebersihan kawasan perlancongan.

“Lorong Seni mencerminkan identiti bandar kita. Inisiatif ini, bukan sahaja memperindahkan kawasan sekitar, tetapi turut menyemai budaya kebersihan dalam kalangan masyarakat,” ujar beliau.

Program ini turut mendapat kerjasama daripada Majlis Bandaraya Seremban (MBS) serta SWCorp Negeri Sembilan. Pelaksanaan program ini selari dengan prinsip Alam Sekitar, Sosial dan Tadbir Urus (ESG) serta menyokong Matlamat Pembangunan Mampan (SDG) khususnya dalam memperkukuh kesihatan awam, kualiti hidup dan pembangunan komuniti yang lestari.

Orang ramai yang ingin mendapatkan maklumat lanjut boleh menghubungi Talian Indahkan Malaysia di 1-800-88-7472, WhatsApp ke 012-618 0082, atau melayari laman web rasmi <https://swm-environment.com>.

-TAMAT-

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swm-environment.com.

Dalam usaha mengurangkan sisa yang dijana oleh masyarakat dihantar dan dilupuskan di tapak pelupusan, SWM Environment secara giat mempromosikan program-program komunikasi, pendidikan dan kesedaran awam (CEPA) berimpak tinggi yang menjurus kepada kelestarian dan pemeliharaan alam sekitar termasuk Pengasingan Sisa Di Punca (SAS), pendigitalan program kitar semula berganjaran dan pengkomposan sisa makanan bagi meningkatkan kesedaran awam ke arah Ekonomi Kitaran (Circular Economy).

Pada 2018, SWM Environment telah memperkenalkan program kitar semula berganjaran iaitu KITAREcycle di Negeri Sembilan, Melaka dan Johor. KITAREcycle bertujuan menggalakkan orang ramai untuk mengasingkan barangan yang boleh dikitar semula seperti kertas, plastik dan tin aluminium dan memperoleh mata ganjaran (RP) yang boleh ditebus kepada tunai melalui perbankan dalam talian. Orang ramai boleh memuat turun aplikasi KITAREcycle melalui Apple Store dan Google Play Store. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Nurul Liza Binti Mohd Najib

Pengurus

Jabatan Komunikasi Korporat & Hal Ehwal Kerajaan (Negeri Sembilan & Melaka)

SWM Environment Sdn. Bhd. (Pejabat Wilayah Negeri Sembilan)

Tel : 06 – 6014280/ 012 – 684 7168

E-mel : nurulliza.najib@swmsb.com